

THULAGANYO YA TSAMAISO YA TETLELELO YA TIKOLOGO AFORIKA BORWA

TOKOMANE

Tetlelelo Ya Tikologo

MOFUTA WA SEDIRISWA

Diminerale Tsotlhe

SELEKANYO

Meepo Yotlhe

BADIRAGATSI



Modirakopo (Moepi)



Lefapha la Metswedi ya Diminerale le Maatla



Molaodi wa Kgaolo (ka fa tlase ga Lefapha la Metswedi ya Diminerale le Maatla)



Lefapha la Merero ya Tikologo



Ditokololo tse di nang le kgathhego le tse di Amegang

Ga go mongwe kgotsa setheo tse di ka dirang ditlhotlhomiso kgotsa moepo-kgotsa go diragatsa ditirelo dingwe le dingwe tse di amanang le go epa diminerale kgotsa metswedi ya peteroleamo – pele ga fa ba ka amogela tetlelelo ya tikologo. Go bona seno, ba tshwanetse go diragatsa Tshekatsheko ya Ditlamorago mo Tikologong.

EIA ke tshekatsheko ya ditlamorago tse di solofetsweng le tse di ka nnang teng tseo di ka tliiswang ke tlhabololo e e tshisintsweng mo tikologong. Se se akaretsa tsamaiso ya ditherisano le baagi. Molao wa Taolo ya Tikologo ya Bosetšhaba o tlhagisa melawana ya tsamaiso ya tikologo tse di

tshwanetseng go nna dikaedi tsa go dira ditshweetso tsa tikologo mo botshelong jotlhe jwa moepo.

Fa o dira kopo ya tetlelelo ya tikologo, modirakopo o tshwanetse go neelana ka EIA mmogo le pegelo ya motheo ya tshekatsheko, pegelo ya dipatlisiso le tshekatsheko ya ditlamorago mo tikologong, dipegelo tsa baitseanape (jaaka dipegelo tsa batlhotlhomisi ba saese e e batlisisang le go tlhotlhomisa metswedi ya metsi ya ka fa tlase ga lefatshe, baitseanape ba lefelo le le bokgola, baitseanape ba ditshedi tsa mefutafuta le baitseanape ba tsa boswa), manaane a a radilweng a tsamaiso ya tikologo, maano a go tswala le

ditekanyetso tsa ditšhelete.

Modirakopo o dira kopo ya tetlelelo ya tikologo kwa go Molaodi wa Kgaolo (motlhankedi ka fa tlase ga Lefapha la Metswedi ya Diminerale le Maatla) la kgaolo eo a kgatlhegelang go dira moepo kgotsa go e sekaseka. Tetlelelo e abiwa mo bofelong ke Tona ya Metswedi ya Diminerale le Maatla.

Batho ba na le tshwanelo ya go dira boikuelo jwa tetlelelo ya tikologo, eo e ka emisang tiragalo ya tetlelelo go fitlha fa boikuelo bo khutlisiwa. Tsamaiso ya boikuelo e laolwa ke Tona ya Tikologo, Dikgwa le Bodirelotlhapi.

TETLELELO YA TIKOLOGO

DIKGATO

BADIRAGATSI

1 DIRA KOPO

Fa moepi kgotsa yo o nang le kgatlhego a tsenya kopo ya tumelelo ya tlhotlhomiso kgotsa go epa, ba tshwanetse ka nako e le nngwe go tsenya kopo ya tetlelelo ya tikologo. Ba ile go di aba mmogo ka mokgwa wa eleketeroniki mo seraleng sa inthanete (SAMRAD) le go duela tefiso e e sa busetsweng ya go dira kopo.



1.1 Mo kamogelong ya kopo mo mafaratlhatlheng a inthanete, Molaodi wa Kgaolo o ile go laela Modirakopo go neelana ka dipegelo tsa tikologo tse di matshwanedi.



2 KITSISO & THERISANO

Motsamaisi wa Kgaolo o ile go aba Kitsiso ya Karolo 10 ya Molao wa Tlhabololo ya Metswedi ya Diminerale le Peteroleamo, o o laelang Modirakopo go itsise ditokololo tse di nang le kgatlhego le tse di amegang ka ga kopo e e tshisintsweng le go amogela dikakanyo go tswa kwa go bone.



2.1 Modirakopo o tshwanetse go itsise ka go kwalela le go rerisana le mong wa lefatshe, yo o leng mo lone ka molao le ditokololo tse dingwe tse di amegang le go neelana ka dipholo tsa ditherisano tse di umakilweng kwa go Molaodi wa Kgaolo mo malatsing a le 30 go simolola ka letlha la Kitsiso ya Karolo 10.



MATSATSI A LE 30



TETLELELO YA TIKOLOGO

AFORIKA BORWA

3 TSHEKATSHEKO

Ditsamaiso tse di farologaneng di ile go salwa moraga go latela gore a ke tshwanelo ya kgatlhegelo kgotsa ya go epa /lekwalotetla. Ditshwanelo tsa go supa dikgatlhegelo di tlhoka pegelo ya motheo ya tshekatsheko Makwalotetla a go epa kgotsa ditshwanelo di tlhoka pegelo ya tshekatsheko ya ditlamorago mo tikologong le dipatlisiso tse di tseeneletseng. Di sekasekiwa ka bongwe le ka bongwe ka fa tlase.

4 DITLHOTLHOMISO TSA MOTHEO MABAPI LE TSHWANELO YA KGATLHEGelo

4.1 Modirakopo o tshwanetse go neelana la Leano la Taolo ya Tikologo, le Pegelo ya Motheo ya Tshekatsheko.

4.2 Kopo e ile go tshwarwa le ditokololo tse di nang le kgatlhegelo le ba ba amegileng go neelana ka ditshwaelo ka ga Leano la Taolo ya Tikologo le Pegelo ya Motheo ya Tshekatsheko.

4.3 Dipegelo tse di radilweng di abelwa Lefapha la Metswedi ya Diminerale le Maatla go le elatlhoko.

4.4 Tona ya Metswedi ya Diminerale le Maatla e ka amogela kgotsa ya gana kopo ya tetlelelo ya tikologo.

4.5 BOIKUELO
Badirakopo kgotsa ditokololo tse di nang le kgatlhegelo gape di amega tse di sa dumalaneng le tshweetso ya Tona ba ka dira boikuelo kwa Lefapheng la Merero ya Tikologo.



5 TSHEKATSHEKO YA DIPATLISISO TSA DITSHWANELO TSA GO EPA

5.1 Pegelo e e Radilweng ya Dipatlisiso e nna teng go ditokololo tse di kwadisitsweng le tse di nang le kgatlhegelo e bile di amega mme kopano e ile go diriwa gore ditshwaelo di diriwe.

5.2 Pegelo e e Radilweng ya Dipatlisiso, mmogo le ditshwaelo tse di dirilweng ke ditokololo tse di nang le kgatlhegelo le tse di amegang, e ile go abelwa Lefapha la Metswedi ya Diminerale le Maatla go e elatlhoko.

5.3 Lefapha la Metswedi ya Diminerale le Maatla le ka amogela kgotsa la gana Pegelo e e Radilweng ya Dipatlisiso mme ditokololo tse di nang le kgatlhego kgotsa tse di amegileng di ile go itsisiwe.

5.4 Mo kamogelong, Modirakopo o ile go laelwa go neelana ka Leano la Taolo ya Tikologo le Pegelo ya Tshekatsheko ya Ditlamorago mo Tikologong.

5.5 Kopano e ile go tshwarwa le ditokololo tse di nang le kgatlhegelo le ba ba amegileng go neelana ka ditshwaelo ka ga Leano la Tsamaiso mo Tikologong le Pegelo ya Motheo ya Tshekatsheko.

5.6 Dipegelo tse di radilweng di abelwa Lefapha la Metswedi ya Diminerale le Maatla go di elatlhoko.

5.7 Tona ya Metswedi ya Diminerale le Maatla e ka amogela kgotsa ya gana kopo ya tetlelelo ya tikologo.

5.8 BOIKUELO
Badirakopo kgotsa ditokololo tse di nang le kgatlhegelo gape di amega tse di sa dumalaneng le tshweetso ya Tona ba ka dira boikuelo kwa Lefapheng la Merero ya Tikologo.



6 TETLELELO YA TIKOLOGO E ABILWE

